

棗陽縣志卷十四

陵墓 坊表附

章陵在春陵故城旁

按舊志以章陵爲春陵節侯買墓按後漢書宗室四王傳  
建武二年以皇祖皇考墓爲昌陵置陵令守視後改爲章  
陵十八年詔零陵郡奉祀節侯戴侯廟以四時及臘歲五  
祀置嗇夫佐吏各一人據此則章陵乃皇祖鉅鹿都尉回  
皇考南頓令欽墓而節侯墓在零陵

漢舞陰侯岑彭墓在縣東北三十里兩河口宋張仲舉有題

棗陽縣志

卷十四 陵墓

墓詩康熙時知縣范維霖立碑識之

柳耆卿墓在花山

按柳墓相傳在真州王阮亭尙書真州詩有殘月曉風仙  
掌路何人爲弔柳屯田之句而曾達臣獨醒志載耆卿葬  
棗陽縣花山每歲清明詞人集其下爲弔柳會則柳墓當  
不在真州也趙雲松觀察仙掌路詩云一邱兩地各爭高  
只爲填詞絕世豪漢上有墳人弔柳漳南多塚客疑曹金  
莖名竟移沙渚鐵板聲休唱浪淘我越曉風殘月到縱無  
魂在亦蕭騷是柳墓在棗陽無疑

明棗陽教諭方昇墓在南門外有碑昇江西人見職官

明員外郎王觀墓在縣南古城中

明監察御史王琰墓在縣東古城中誥命碑及翁仲猶存

袁成墓在唐子山東五里地名帽盒山

太守袁盛墓在帽盒山

御史袁仕墓在帽盒山

御史李端墓在城東三里許地名量兵阪

郎中尙冕墓在縣南三里

御史李邦用墓在縣西三里有誥命碑

棗陽縣志

卷十四 陵墓

二

按棗陽爲光武發祥之地一時鄉曲故舊攀龍附鳳景附雲從者自難更僕數所謂南陽帝里多近親也迨功成身退正命首邱其墳墓多在故土道光甲辰吳家店滾河北岸有古墓傾陷鄉人下視之甃墻橫長數丈轅門三處其內堙塞不可入此卽古之所謂隧道也非王侯不宜有此制並聞附近及烏金店等處如此之類甚多韓昌黎詩云邱墓發掘當官道何處南陽有近親滄桑陵谷能無慨然又蔡陽鋪東偏土塚隆起高廣二畝許土人謂爲蔡陽墳非也道光年間農人耕出石柱異而掘之內極深窅解事

者仍令掩塞其為誰氏佳城久難問諸荒煙蔓草矣

坊表

楚襄屏翰坊在縣署譙樓前萬曆時知縣王應辰建

登龍起鳳二坊在儒學門左右萬曆元年知縣王應辰建列

邑人科第姓名

崇德坊

文秀坊

折桂坊

步蟾坊

棗陽縣志

卷十四

陵墓

三

文魁坊

翹楚坊

以上莫詳所立

秋官坊

為刑部郎中尙冕立

繡衣坊

為御史李端袁仕李邦用立

經元坊

為知府袁盛立

進士坊五

為李端尙冕李邦用袁仕  
馬鑑立袁坊後改曰臺憲

昭壁坊

為舉人舒申立

鯤化坊

為舉人羅繹立

世科坊

為袁盛袁仕袁傳袁廷瑛立

忠諫坊

爲進士王琰立

恩榮坊

爲尙書王一鶚立

彤庭清秩坊

爲序班葉桂立

節孝坊八

棗陽縣志

卷十四

陵墓

四